

# جَزِيدَةُ حَاكِمِيَّةِ

جمعه ايرتسى

نومرو ٦٨٦ رجب ٢ سنه ١٣١٠ كانون تانى سنه ١٣٠٨ صحيفه ١٠٠٩٣

( اشبوغزته بهر هفته جمعه ايرتسى كونلرى چيقار . سنه لىكى در سعادت ايجون مجديه يكرمى غروش )  
( حسابيله التمش غروشدر . طشره لر ايجون اون بش غروش پوسته اجرتى ضم اولنور . بهر )  
( نسخه سى يته مجديه يكرمى غروش اولمق اوزره يوز پاره يه هر يرده ساتيلور . درج اولنه جق )  
( اعلانك هر برندن بر مجديه اخذ اولنور . سنه لىكنه مشرتى اولمق استيانلر عدليه نظارتى )  
( دائره سنده كائن جريده محاكم اداره سنه مراجعت ايلمليدر )

## قسمنامه

مأمورين عدليه دن بعضيلرينك منسوب اولدقلىرى  
محكمه رئيسلرينك شكائى اوزرينه حقلرنده  
اوصولا تحقيقات اجرا سيلاه اسباب ثبوتيه استحصال  
قلمقسزين همان عزل ايله يرلرينه ديكرلىرى  
تعيين و اخيرا مشرتكى اولان رئيس جانبدن  
حسن حالى متضمن كوندر يلان ديكر برتجيرات  
اوزرينه مأمور معزول ابقا ايدملك و تعيين  
اولنان مأموريندن بعضيسنك دخى على الاصول  
مضبطة انتخابيه سى تنظيم و تسريب اولمقسزين  
عزل ايله يرلرينه ديكرلىرى كوندر ملك كى بر  
معامله غير مطرده جريان ايتمكده و بو وجهه

( فى ٢٠ جمادى الاخر سنه ٣١٠ و فى ٢٨ كانون )  
( اول سنه ٣٠٨ تاريخنده بالجمله ولايات استيناف )  
( محكمه سى مدعى عموميلرينه و مدعى عمومى )  
( بولنميان محللر مدعى عمومى معاونلرينه يازيلان )  
( تجريات عموميه صورتيدر )

اصول انتخاب قانونى موجبجه عزل  
ونصبرى طشره انجمن عدليه لر يته عائد اولان

برطاقم مأمورینک دوچار سفالت اولمیرینه  
 سببیت ویرلمکده اولدینی اشمارات واقعدن  
 اکلالمشدر معاملات انتخابیه نک احکام قانونیه  
 دائره سنده حسن جریانه دقت واهتمام ایله عزل  
 و تبدیل معاملاتنه اساس اوله جق اولان شکایت  
 حقه حقیقات عمیقہ اجراسیلہ اسباب ثبوتیہ  
 نظامیه استحصال قلندقدن صکره اکاکوره  
 مقتضای ایفا اولنه رق خلاف معدت و مستلزم  
 مغدوریت احوال وقوعنه میدان ویرلماسی  
 بغایت مطلوب و ملتزم اولمسیله مذکور انجمنلرجه  
 بوجه مشروح اعتبار اولنان یولسز معاملاتہ  
 نظر بیقیدی ایله باقیلمیه جفندن بعد ازین امور  
 امورات انتخابیه ده معاملات غیر مرضیه سی کوریله جک  
 اولان انجمنلرک شدیداً تحت مسئولیتہ التملری  
 مقرر بولنش واشبوتخیرات عمومیه نک نسخ  
 مطبوعه کافیه سی دخی لفاً تسبیار قلنمش اولمغه  
 نزدنده بولندیغکز استیناف محکمه سنه تابع بالجمله  
 محاکم رؤسا ومدعی عمومی معاونلرینه تبلیغیه  
 برابر معاملات مجبونه نک برصورت مطرده ده  
 حسن ایفاسنه طرف شریفلرندن دخی دقت و اعتنا  
 اولنسی سیاقنده شقه .

MILLI KÜTÜPHANE  
ANKARA

( فی ۲۷ جاذی الاخر سنه ۳۱۰ وفی ۴ کانون )  
 ( ثانی سنه ۳۰۸ تاریخنده بالجمله ولایات استیناف )  
 ( محکمه سی مدعی عمومی لرینه ومدعی عمومی )  
 ( بولنمیان محاکم مدعی عمومی معاونلرینه یازیلان )  
 ( تخریرات عمومیه صورتیدر )

ملازم تانیک رتبه سی مادونسنده بولنرب  
 سلاح التنده وفات ایدنلرک ائمان مخلقاتنک  
 وارثلرینه حین تسلیمنده الهجق مقبوض  
 سندرلرینک اون ویکرمی پاره لک مقطوع بوله  
 تابع طوتلمسی حقه مالیه نظارتندن سبق این  
 اشعار موجبجه تنظیم اولنوب صورتی بیورلدی  
 سامی تبلیغ بیوریلان مضبطه حکمنک دین  
 عمومیه واردات مخصسه قومیسرلکنه تبلیغی  
 اوزرینه وارد اولان جوابده مخلقات عسکریه ک  
 ورثیه تسلیمنده الهجق مقبوض سندرلری  
 بین الناس تعاطی اولنان مقبوض سننداق دینک  
 اولدیقندن بولنره رسم تمفا قانوننک رسوم مقطوعه  
 تعرفه سی موجبجه یکر میشر پاره لک مقطوع پل  
 الصاقی لازمه دن اولدینی حالده مضبطه متقدمه  
 بر حد تعیینیه اون ویکرمی پاره لک پل  
 یابشدر یله جفنگ کوسترلمسی قانون مذکوره  
 اخیراً تذیل ایدیلان مواددن ایکنجیسنک

احکامی نظر مطالعه یه التمش اولسنندن نشآت  
 ایتمش اولوب حالبوکه مذکور ماده ده بیان اولنان  
 اون ویکرمی پاره لک بوللر هر نوع رسوم  
 وتکالیف و ویرکونک اخذینه دائر دواتر رسمیه  
 ومال صندوقلری ایله اموال امیریه ملتلملری  
 طرفندن ویریلان وائمانی خزینسه جلیله ایله  
 مشترک بولنان مقبوض بوللری اولوب ائمان  
 مخلقات بوقیلدن اولدیقندن بخله مذکور مقبوض  
 سندرلرینه سویاً یکر میشر پاره لک مقطوع پول  
 وضعی لزومی مجلس اداره قرار یله مدیریت  
 عمومیه دن بیلدرلدیکی بیانیله استشعار کیفیت  
 حاوی نظارت مشارالیه دن وارد اولان تذکره  
 شورای دولت تنظیمات دائره سنه لدی الحواله  
 ایشک بعض جهتلری نظارت مشارالیه دن استیضاح  
 اولندقدن صکره سالف الذکر مضبطه بطالنک دخی  
 جلیله اجرا قلنان تدقیقاتدن مستبان اولدینی  
 اوزره ملازم تانیک رتبه سنندن دون رتبه ده  
 بولنوب سلاح التنده وفات ایدنلرک ائمان مخلقاتنک  
 وارثلرینه حین تسلیمنده الهجق مقبوض سندانه  
 الصاق اولنه جق بوللرک تعیین مقدارینه دائر  
 دائره جه مقدمه ویریلان قرارده بوللرک اون  
 ویکرمی پاره لک بوله تابع اوله جفنگ کوسترلمسی  
 نظارت مشارالیه دنک اشعارینه معظوف اولوب

حالبوکه دیون عمومیه قومیسرلکنک بالاده حکایه  
 اولنان تذکره سننده دخی بیان قلندیغی وجهله  
 موضوع بحث اولان مقبوض سندانتک علی السویه  
 یکر میشر پاره لک مقطوع بوله تابع طوتلمسی  
 لازم کله جکندن اکاکوره مقتضای حالک ایفاسی  
 خصوصنک نظارت مشالیهایه اشعاری و طرف  
 والای سرعسکری ایله مقام نظارته معلومات  
 اعطاسی تذکر قلندیغنه دائر دائره مشارالیه دن  
 تنظیم قلنان مضبطه صورتنک کوندرلدیکی  
 وموجبجه نظارت مشارالیه ایله مقام مشارالیه  
 معلومات اعطا بیورلدینی بیان عالیسیله دائره  
 عدلیه جه دخی اقتضاسنک اجراسی شرفوارد  
 اولان ۳ جاذی الاول سنه ۳۱۰ و ۱۱ تشرین ثانی  
 سنه ۳۰۸ تاریخلی بیورلدی سامی حضرت  
 وکالتپناهیده امر و اشعار بیورلمش و مأموریتکنز  
 داخلنده بولنان محاکمه لاجل التبلیغ اشبو  
 تخریراتک نسخ مطبوعه کافیه سی انفا ارسال قلنمش  
 اولمغه بر موجب اراده علیه ایفای مقتضاسی .

## قسم غیر رسمی

( لربوز بدایت محکمه سندن ۲۳ مارت )  
 ( سنه ۳۰۶ تاریخی وایکی عددی ایله صادر )  
 ( اولان اعلامک مابعدی )

اعلام مذکورک خلاصه مالی مزبورتان  
 قالوبی وماریانک متوفی پدرلری اندون داویدک  
 برقطعه سند موجبجه مرقوم صوتیراکی ماظاندوس  
 ذمتنده مطلوبی بولنان قرق عدد لیرای عثمانینک  
 سند تاریخندن حین دعوایه دکین ایشلمش  
 فائضیه بالغ اولدینی سکسان عدد عثمانلی لیراسنه  
 محسوباً مدیون مرقوم طرفندن تسلیم اولنان  
 درت سنهک فائض ایله اون عدد فرانسز لیراسنک  
 تنزیلیله اوست طرفک تخصیاتی دعوی ایلمسنه  
 قارشو مدعی علیه صوتیری ماظاندوس دخی سند  
 مذکور موجبجه قرق عدد عثمانلی لیراسی بوجی  
 اولدینی بعدالاقرار مبلغ مذکور متوفای مرقومه  
 حال حیاتنده کاملاً تأدیبه ایلدیکنی مدافعه درمیان  
 ایلمسی اوزرینه اولباید اجرا قلنان محاکمه  
 و تدقیقات نتیجه سنده مدعی علیه مرقوم صوتیراکی

مبلغ مدعا به بوجی اولدینی اقرارله برابر ایکی  
 سنه صکره تأدیبه دین ایتدیکنی بیان وانبا  
 ایلمش ایسهده ایضای دین ایتدیکی حلاله سندینی  
 استرداد ایتک لازم کلورکن استرداد ایتدیکی کبی  
 تسلیماینه دائر اوراق دخی ابراز ایده مامش  
 و مذکور سند ایوم ورثه مومی الیها یدنده  
 موجود اولوب مرقوم اندونک وفاتندن صکره  
 نقود و اموال ساثره سی میاننده ظهور ایلمش  
 اولسنه منبی مجله نک بیک التیوز اوننجی و بیک  
 سکر یوز اون یدنجی ماده لری موجبجه رأس المال  
 اولان قرق لیرانک مع فائض بالغ اولدینی سکسان  
 عدد عثمانلی لیراسنه مقابل ظهر سندده محرر اوج  
 سنهک فائض ایله اون عدد فرانسز لیراسنک  
 بعدالتنزیل باقی قلان التمش ایکی عدد لیرای عثمانی  
 ایله سکسان غروشک تخصییلیله مزبور تانه اعطاسنه  
 حکمدن واشبو حکم علیهده مستدعی صوتیرا کینک  
 باشلوجه اعتراضی متوفای مرقومک حال حیاتنده  
 ایضای دین ایلدیکنی عندالمحاکمه کندوسی ادعا  
 ایتش اولسیله اشبودفع دعواسی حقنده کندوسندن  
 یننه طلب اوانمق و اثباتدن عجزی حالنده ورثه  
 متوفایه یمین و یرلک لازم کلور ایکن بویولده  
 اجرای معامله اولنامسی مغایر اصول و قانون  
 اولدیغندن بختله اعلام مذکورک نقضی استدعاسندن

ومدعی عایهمانک نتیجه جوا بلری دخی حکم  
 مذکورک اصول و قانونه موافق اولدینی بیانیه  
 تصدیقی طلبندن عبارت بولنمشدر .

ایجابی لدی المذاکره اعلام مذکوردن  
 اکلانشلیدینی اوزره مزبور تان ماریه و قالیبوی  
 قادینلرک حسب الوراثه ادعا ایتکده اولدق لری  
 مبالغی حاوی مورتلرینک ترکسی میاننده ظهور  
 ایدن برقطعه سند مدعی علیه صوتیراکی ماظاندو  
 اقرار ایتدکن صکره حاوی اولدینی مبلغی متوفایه  
 تأدیبه ایلدیکنه دائر درمیان ایلدیکی ادعاسنک  
 نبوتنه منبی التفاته شایان کور یله مدیکی بیانیه  
 مبلغ مزبورک تخصییلنه حکم اولنمش ایسهده  
 مدعی علیه مرقوم صوتیراکی سنک حاوی اولدینی  
 مبلغی متوفای مرقومه کاملاً تأدیبه ایلدیکنی ادعا  
 ایله دعوی واقعه بی دفع ایتش اولسنه نظراً  
 مرقومک دفع مسرودی حقنده کندوسندن یننه  
 طلب اولنمق و اثباتدن عجزی حالنده طلبیه  
 ورثه نک عدم علمنه دائر تحلیفی اجرا قلنمق لازم  
 کلور ایکن بو دائره قانونیهده اجرای معامله  
 اولنمقسزین برمنوال محرر اعطای حکم و قرار  
 ایلمسی قانونه مغایر و مستدعینک اعتراضی دخی  
 بوجهته متدائر اوله رق شایان بولنمش اولدیغندن

اصول محاکمه حقوقیه قانوننک ایکوز اتوز  
 ایکنجی ماده سی موجبجه اعلام مذکورک نقضیه  
 قانون مذکورک ایکوز قرق در دنجی ماده سی حکمنه  
 توفیقاً کیفیتک یکیدن بالرؤیه اعلامه ربطی ضممنده  
 محکمه مذکوریه اعاده سنه وزیرده مفرداتی مرقم  
 در تیوزالی سکر غروش مصارف محاکمه نک ایلروده  
 حقسنز چیه جق طرفه رجوع ایتک اوزره اول  
 امرده مستدعیدن اخذینه ۳۱ کانون اول سنه  
 سنه ۳۰۷ تاریخده متفقاً قرار و یر یله رک  
 تفهیم قلندی .

محکمه استیناف حقوق قسمندن ۲۱ حزران  
 سنه ۳۰۵ تاریخی ویتش سکر عددی ایله صادر  
 اولان اعلامک تمیزی استدعا ایدن ازمیدده  
 بغدادی میداننده مقیم یونان دولتی تبعه سندن دقیق  
 فابریقه طوری اندریا بطریقه وکیل نظرت  
 خچریان افسندی ایله میز علیهم قومقبو قوللق

سوقاغنده اون درت نومرولی خانه ده ساکن متوفی آتکچی مانول زوجہ سی متوفیہ فوطینی قادین ورثہ سندن اوغللری اسپرو واستاوری وطودوری ایله قزی او انطیہ قادیندن مرقومان اسپرو واستاوری یوم معینده کلدکرندن ایضاحات شفاهیہ لری استماع قلندی .

اعلام مذکورک خلاصہ مالی مرقوم اندریا بطریقہ نک من بورہ فوطینی قادینک زوجی مانول ذمتندہ محکوم بہ و بادفتر غیر محکوم مطلوبی اولان مبالغدن طولانی تحت حجزہ الدیرمش اولدینی معلوم القطعات املاک کندوسنک مالی اولدیغندن بحثلہ متوفایہ من بورہ نک حال حیاتندہ اقامہ ایلدیکی فک حجز دعواسندن طولانی موضوعک تصدیقہ دائر ازمید بدایت محکمہ سندن وریلان ۴ تشرین ثانی سنہ ۹۷ تاریخلی اعلام ایله مذکور اعلامک یالکز متوفای مرقوم مانولک ورثہ سندن اوغلی استاوری بہ تبلیغی کفایت ایدہ چکنہ دائر محکمہ مرقومہ دن صادر اولان ۱۱ ایلول سنہ ۹۷ تاریخلی اعلام علیہندہ حال حیاتندہ من بورہ فوطینی قادین جانبندن وقوعبولان استیناف دعواسی اوزرینہ مستأف علیہ اندریا بطریقہ ۴ تشرین ثانی سنہ ۹۷ تاریخلی اعلامک من بورہ

فوطینی قادین ایله سائر ورثہ بہ ۷ تشرین ثانی سنہ ۹۷ تاریخندہ تبلیغ اولدینی جهنلہ مدت استینافیہ نک مرور ایلدیکنی ادعا واولبابدہ کی تبلیغ علم و خبرینک ضیاعندن بحثلہ مدعاسنی دائرہ اجرادن وریلان قید صورتیلہ بردہ وکاتنامہ صورتندہ استناد ایلمش ایسده دائرہ اجرا قیدی بوخصوصہ دائر ازمید تجارت محکمہ سندن وریلان دیگر بر اعلام حقندہ اولوب وکالتنامہ دخی ورثہ دن استاورینک حکم و اعلامی قبول وردی حقندہ وکالتی مصرح اولدیغنه و من بورہ فوطینی قادینک وقوع تبلیغی انکار ایتسنہ قارشو مرقوم اندریا تبلیغ علم و خبری ابرازیلہ امر تبلیغک وقوعی اثبات ایدہ مامسنہ و اصول محاکمہ حقوقیہ قانونک یوزاوتوز یدنجی مادہ سی موجبہ مذکور بدایت اعلامک یالکز محکوم علیہ لردن استاوری بہ تبلیغی کفایت ایتیمہ چکنہ منی مرقوم اندریا بطریقہ نک مدت استینافیہ نک مروری حقندہ کی ادعاسنک ردینہ وشو حالده ۱۲ ایلول سنہ ۳۰۲ تاریخلی اعلام تانینک کآن لم یکن حکمندہ قالمسنہ منی انک فسخ حکمیلہ اعلام اول حقندہ کی استیناف دعواسنک تدقیق ورؤیتہ قرار وریلہ رک بالاخرہ اندریا بطریقہ وکیلنک مجاویہ دن امتناعی اوزرینہ وکیل مسخر تعیینیلہ غیاباً اجرا قلنان

محاکمات و تدقیقات نتیجہ سنده املاک مجوزہ دن خانہ و فرونک من بورہ فوطینی قادینک عہدہ سنده ایدوکی ابراز اولنان درکنار و املاک مذکورہ نک الاجنی مقابلندہ فروختی حقندہ مرقوم اندریا طرفندن اقامہ اولنان دعوانک ردینی حاوی مقدما استینافاً صادر اولان اعلام مندرجاتیلہ ثابت اولسنہ منی اعلام مستأف بہک خانہ ایله فرون حقندہ کی جهت حکمیہ سنک فسخیلہ بونلرک من بورہ فوطینی قادینہ تسلیمنہ و عرصہ نک فوطینی قادین عہدہ سنده اولدیغنه دائر برکونہ اوواق ابراز ایدیلہ مدیکندن من بورہ نک عرصہ حقندہ کی ادعاسنک ردینہ دائر محکمہ استیناف حقوق قسمندن صادر اولان اعلام غیابی علیہندہ مرقوم اندریا بطریقہ جانبندن اعتراض علی الحکم عرضحالی اعطا اولنسی اوزرینہ یونان ترجمانی حضور یلہ جریان ایدن محاکمات نتیجہ سنده من بورہ فوطینی قادینک دعوا ی استینافیہ سی املاک مذکورہ حقندہ کی حجزک فککنہ متدائر ایکن استینافاً حجزک فکیلہ برابر بلا دعوی مجوز فرون و خانہ نک من بورہ بہ تسلیمنہ دائر اولان جهت حکمیہ سنک فسخنہ حکمدن و مستدعی اندریا بطریقہ وکیلی نظرت خچریان اقدینک اشبو حکم علیہندہ باشلوجه اعتراضاتی

ازمید بدایت محکمہ سندن من بورہ فوطینی قادین علیہندہ صادر اولان اعلامک من بورہ بہ وقتیلہ تبلیغ قلنہرق مهل استینافی منقضیہ اولدقدن و متعدد اعلامات ایله کسب قطعیت ایلان حکمی خصم جانبندن بالرضا قبول و اجرا ایتدیرلدکن صکرہ استیناف دعواسنہ تصدی اولدینی استینافاً درمیان قلنمش و تبلیغک وقوعنہ دائر من بورہ نک وقتیلہ وقوعبولان اقرارینی حاوی اعلامات متعددہ ابراز ایدلش و مجوز خانہ نک موککنہ تسلیمی بالرضا تعهد ایدیلہ رک حکماً استیناف و تمیز حقندن فراغت اولنمش ایکن استینافاً اشبو مدافعاندن بعضیلری اعلامده مسکوت عنہ بر اقیلہرق تبلیغک اثبات اولنہ مدینی بیانیلہ بوبایدہ کی ادعایک رد ایدلسی و اعلام مستأف بہک صدورندن صکرہ املاک مجوزہ نک بیع و فروختی حقندہ ازمید تجارت محکمہ سندن صادر اولان اعلام دخی خصمی من بورہ فوطینی قادین جانبندن طرق قانونیہ بہ مراجعت اولنماسندن طولانی کسب قطعیت ایتمش و حکمی اجرا قلنمش ایکن استینافاً اعلام ابتدائینک تدقیقلہ دعوانک تکرار رؤیتی طرفنہ کیدلسی مغایر قانون اولدینندن بحثلہ اعلامک نقضی استدعاسندن و مدعی علیہمدن اسپرو واستاورینک نتیجہ جوابی دخی استینافاً

تدقیقی طلب واستدعا قلمان اعلامك والده لری متوفاة فوطینی قادیسه تبلیغ ایدلیدیکی اثبات ایدیله مامش اولمغله مدت حقنده کی اعتراضك ردی موافق قانون اولدینی کبی املاک محجوزه دن قرون و خانه نك مز بوره فوطینینك اولدینی ثابت اولمغله رضایه مقارن اولیان معامله اجرائیه نك قانوناً کائلم یکن حکمنده قاله جنی طیبی بولندی بیانیله اعتراضات واقعه نك ردی و اعلام مذکورك تصدیق طلبندن عبارت بولمشد .

ایجابی لدی المذاکره تمیز اولنان اعلام استینافینك نتیجه مفادی مستأنف علیه اندریا بطریقه طرفندن مدت استینافیه نك مروری حقنده درمیان اولنان ادعا نك تبلیغ علم و خبری ابرازیله اثبات ایدیله مامسنه مبنی ردینه و املاک محجوزه دن قرون ایله خانه نك مز بوره فوطینینك عهده تصرفنده اولدینك مبرز درکنار مایله تحقیقنه مبنی بولر حقنده کی حجزك تصدیقنه دائر اولان بدایت اعلامنك فسخته حکمدن عبارت اولوب اعلام استینافی مذکورك مدت استینافیه حقنده کی ادعا نك ردینه متعلق اولان جهت حکمیه سی قانونه موافق اولمغله بوجهتک تصدیقنه اکثریت و اساس

ماده به کنجه دعوی واقعه نك املاک حجزندن منبع اولسیله بونك فصل ورؤیتنده اجنیلرک دخی تبعه عثمانیه صفتنده بولملری مقتضیات قانونیه دن اولدینی حالدده عندالاستیناف مستأنف علیه اندریا بطریقه نك یونان دولتی تبعه سندن اولسنه استناداً اثنای محاکمه دولت مشارالیه ترجمانك حاضر بولندی رلسی مغایر قانون اولدینی کبی منازع فیه بولنان املاک قننی تاریخنده ونه صورته مز بوره فوطینی قادین عهده سنه کچمش اولدینی یعنی آخردنمی یوخسه زوجی متوفی مانولدنمی انتقال ایلدیکی و زوجندن فراغ و انتقال ایدلمش ایسه مز بوره نك اولباده کی تصرفنك صحیح اولوب اولدینی حقنده بالاطراف تحقیقات و تدقیقات اجرائیه حاصل اوله جق نتیجه کوره حکم اولمق لازم کلور ایکن عندالاستیناف بوصولته تدقیقات اجرا قلمقسزین بر منوال محرر حکم و قرار ویرلسی مغایر اصول و قانون بولمش اولدیندن اصول محاکمه حقوقه قانوننك ایکوز اوتوز ایکنجی و ایکوز قرق برنجی ماده لری موجبجه اعلام مذکورك نفضیله قانون مذکورك ایکوز قرق درنجی ماده سی حکمنه توفیقاً کیفیتک یکیدن بالرؤیه اعلامه ربطی ضمننده محکمه استیناف حقوق قسمنه اعاده سنه و اعلام مذکورك تصدیق

اولنان جهتندن طولایی خرج اعلام اوله رن النمسی اقتضا ایدن یوزغروشك مستدعی اندریا بطریقه به رجوع ایتمک اوزره اول امرده مدعی علیه مدن وزیرده مفرداتی مرقم التي یوز اون یحق غروش مصارف نفضیه نك دخی ایلروده حقسز چیه جق طرفه رجوع ایتمک اوزره اول امرده مستدعی تمیز اندریا بطریقه دن اخذ واستیفاسنه ۳ اغستوس سنه ۳۰۸ تاریخنده متفقاً قرار ویریلهرک تفهیم قلندی .



محکمه استیناف تجارت قسمندن ۲ تموز سنه ۳۰۸ تاریخی و اوتوز طقوز عددی ایله ویریلان اعلامک تمیزینی استدعا ایدن قوزغنجقده بکلر بکی جاده سنده بلانومرولی خانه ده مقیم یازیجی داوید صادق و بک اوغلنده یازیجی زقاغنده یکرمی التي نومرولی خانه ده مقیم یازیجی اورام فرایدن داوید صادق ایله تمیز علیه

طوپخانه جاده سنده نومرورسز خانه ده ساکن بویاجی دیمتری خرستودولو وکیلی یوردانا کی اقدینک یوم معینده ایضاحات شفاهی لری استماع قلندی .

اعلام مذکورک خلاصه مالی مرقوم بویاجی دیمتری خرستونک صادق فراجی و قومانیه سی عنوانیله تشکل ایدن قوماندیت شرکتک حصه سند اتندن بر قطعه سنک حاملی اولدیندن بختله سند مذکور بدلی اولان ایکوز الی درت ایرانک تحصیل حقنده اقامه ایلدیکی دعوی اوزرینه محکمه تجارت ایکنجی مجلسندن کیفیت حکملری حواله اولهرق سبق ایدن تدقیقات نتیجه سنده شرکت مذکورنك منفسخ اولوب لیکدانور تعیین قلممش اولسنه مبنی کندولرینه خصومت توجیه ایتیه چکنه دائر مرقومان اورام و داوید صادق جانبندن درمیان اولنان ادعا نك ردیله مدعی مرقومک قوماندیت اولسیله شخص ثالثدن فرقی اوله میه جفته و بناء علیه یکدی بکره متکفلاً و متسلسلاً مسؤول اولان شرکادن قنفسندن دیلر ایسه دعوییه حتی اولدینغه مبنی بر موجب سند مدعا به اولان ایکوز الی درت ایرانک دعوی عرض حالنک تاریخ اعطاسندن اعتباراً فائضیله برابر مرقومان صادق

وفراجیدن تحصیلنه دائر هیئت حکمیه دن ویریلوب  
 حکمه مذ کورده دن تسجیل و تصدیق اولنان  
 قرارنامه علیهنده مرقومان صادق و فراچی  
 جانبندن استیناف دعویه قیام اولنمش ایسه ده  
 عندالاستیناف اجرا قلنان تدقیقات نتیجه سنده  
 قرارنامه مذ کورک تسجیل و تصدیق موافق قانون  
 اولدینی بیانیه تصدیقه قرار ویرلدیکندن  
 و مستدعیلرک اشبو قرار علیهنده کی اعتراضاتک  
 باشلوجه سی حکمرا جانبندن مدت مآذونیتک  
 اقتضاسندن صکره ویریلان و جمله سنک امضاسنی  
 حاوی اولیان قرارنامه مذ کورک حکمی اوله -  
 میه جفی درکار ایکن عندالاستیناف بورالرینک  
 تدقیق ایلامسی ورؤیت محاسبه خصوصی  
 حکمراک جمله وظائفندن اولدینی حالدہ دفاتر  
 شرکتک شرکا طرفندن تعیین اولنان لیکداتور  
 نزدیک بولندینی حقنده کی افاده لرینه اهمیت  
 ویرلامسی و مستند اولان سند مذکور استقرض  
 سنداتی قیلندن اولیوب حامل سنک حصه سنه  
 سرمایه شرکتدن نه اصابت ایدر ایسه مقدار  
 مذ کوری الاجبی احکام قانونیه اقتضاسندن  
 اولدینی حالدہ هیئت حکمیه و محکمه جه قانونه  
 یا کلش معنی ویریلهرک قوماندیتر اولان مدعی  
 مرقومک سرمایه سندن طولایی شرکانک مسؤل

عدیه سند مذکور بدلنک کندولرندن تحصیلنه  
 حکم ایلمسی مغایر قانون اولدیغندن بخله اعلامک  
 نقضی ومدعی علیک نتیجه جوابی دخی حکمرا  
 جانبندن اکثریت آرایله قرار ویرلمش اولغله  
 بدایه درمیان اولیان اعتراض مذ کورک حکمی  
 اولدینی و حکمراک مدت مآذونیت ظرفنده رأی  
 وقرار ویردکری خصمراک بوبابده استینافاً  
 درمیان ایلدکری اعتراضلرندن بالاخره صرف  
 نظر ایتملرله متین و اعتراضات سائرهنک دخی  
 استینافاً حل ورد ایلمش اولدینی بیانیه موافق  
 قانون اولان اعلامک تصدیق طلبندن عبارت  
 بولنمشدر .

ایجابی مذاکره اولندقدہ اعلام استینافی  
 مذکور مآلندن اکلاشلدینی اوزره استینافاً مبلغ  
 مدعا بهک تحصیلنه دائر حکمرا قرارنامه سنک  
 تصدیقه قرار ویرلمش ایسه ده دعوی واقعه بی  
 رؤیتہ مأمور اولان هیئت حکمیه نک کیملردن  
 عبارت ایدوکنه و حکمراک برلکده می یوخسه  
 اوچنچی دینلان حکمک اختلاف وقوعنده می  
 بیان رأیه مآذون اولوب اولدیغنه دائر اعلامده  
 برصراحت کوسترلمدیکی کی حکمراک تعیینه متدائر

اولان قرارنامه مآلی دخی اعلامه درج و تخریر  
 اولنمش اولدیغنه و ابراز ایلدیکی بیان اولنوب  
 هیئت حاکمه قرارنده و اعلامده خلاصه سی ذکر  
 ایلمیان حصه سندینک صاحبی اولان مدعی  
 دیمتری خرستو شرکت مذ کورده انجق شریک  
 اولوب شرکت محاسبه سنک ازهر جهت بالرؤیه  
 تحقق ایدہ جک کار و ضرردن حصه سنی الوب  
 ویرمه حق و صلاحیتی اوله بیلوب قوماندیتر  
 اولان مدعی مرقومک شخص نالک کی شرکت  
 شرکاسندن اولان مرقومان فراچی و داوید  
 علیهنده اقامه دعوی ایله مرقومانک مسؤلیت  
 متسلله لری اولدینی حالدہ مدعینک استناد ایلدیکی  
 مواد قانونیه به هیئت حاکمه و محکمه جه یا کلش معنی  
 ویریلهرک اولوجهله مرقومان صادق و فراچینک  
 مسؤلیتلرینه قرار ویرلمسی و دفتر ابرازندن  
 صرف نظر ایلدکرینه دائر مرقومانک وقوع  
 بولان افاده لرینه دخی دفتر ابرازندن امتناع  
 ایلمش معناسی ویرلمسی یولسز و مغایر قانون  
 اولدیغندن اصول محاکمه حقوقیه قانوننک ایکوز  
 اوتو زایکنجی و ایکوز قرق برنجی ماده لری  
 موجبجه اعلام مذ کورک نقضیه قانون مذ کورک  
 ایکوز قرق درنجی ماده سی موجبجه کیفیتک  
 یکیدن بالرؤیه اعلامه ربطی ضمننده محکمه

مذ کوریه اعاده سنه وزیرده مفرداتی مرقم  
 ایکوز یتش غروش مصارف تمیزیه نک ایلروده  
 حقسز جبقه جق طرفه رجوع ایتمک اوزره  
 اول امرده مستدعیلرندن المنسنه ۱۷ ایلول  
 سنه ۳۰۸ تاریخنده متفقاً قرار ویریلهرک  
 تفهیم قلندی .

اردک بدایت محکمه سندن ۲۲ ایلول سنه ۳۰۷  
 تاریخی و یکرمی درت عددی ایله صادر اولان  
 اعلامک تمیزینی استعدا ایدن اردک قصبه سنک  
 متره بولید محله سنده مقیم چوقال اوغلی پنا یوپ ایله  
 میزعلیها قصبه مذ کورده مقیمه منکشوی خاتون  
 یوم مینده اجابت ایتمدکلرندن اصول محاکمه  
 حقوقیه قانوننک ایکوز یکرمی طقوزنجی ماده سی  
 موجبجه تدقیقات تمیزیه اجرا سنه ابته دار  
 قلندی .  
 اعلام مذ کورک خلاصه مآلی مز بوره

منکشیو خاتونک بر باب دکان اثماني بدلندظولاني  
 مرقوم پنايوط ذمتده مطلوبی اولان اوتوزاوج  
 عدد لیرای عثمانینک مع فائض تحصیل حقنده اقامه  
 ایلدیکی دعوی مرقوم پنايوط جانبندن انکار  
 ایدلمش ایسهده مزبورده نک مرقوم پنايوط ذمتده  
 جهت مذکورده دن اوتوزاوج عدد لیرای اثماني  
 الاجنی اولدینی شهادت واقعه ایله ثابت اولدیغندن  
 بختله مبلغ مذکورک مرقوم پنايوطدن تحصیلنه  
 قرار ویرلدیکندن و مستدعینک اشبو اعلام  
 علیهنده باشلوجه اعتراضی خصمنک دعواسنده  
 تناقص وقوعبولدینی حالده محکمه مذکوردهجه  
 بوراسنه دقت اولنامسی مفایر قانون اولدیغندن  
 بختله اعلامک تقضی استدعاسندن ومدعی علیهانک  
 نتیجه جوابی اعتراض مذکور غیروارد اولدینی  
 جهتله موافق قانون اولان اعلامک تصدیقی طلبندن  
 عبارت بولنمشدر .

ایجابی مذاکره اولندقدده اعلام مذکور  
 مندرجاتندن منفهم اولدینی اوزره بدایه مدعی  
 بولنان مزبوره منکشیو قادین جانبندن مدعا به  
 اوتوزاوج عدد لیرای اثماني حقنده اقامه اولنان  
 شاهدلر اثنای محاکمهده مرقوم پنايوط طرفندن

اماسیه بدایت محکمهسندن ۹ شباط سنه ۳۰۶  
 تاریخی والنمش سکر عددی ایله ویریلان اعلامک  
 تمیزینی اماسیه قصبهسنگ قزغانجیلر محلهسنده  
 مقیم لازار اوغلی خرملبوس استدعا ابتدیکی حالده  
 یوممعینده کلمدیکندن مدعی علیه قصبه مذکورده نک  
 کوری باشی محلهسنده ساکن استلیانوس یوانیدیس  
 وکیلی طنناش یورکیادیس افندیکنک ایضاحات  
 شفاهیسی استماع قلندی .

اعلام مذکورک خلاصه مالی مرقوم  
 استلیانوس یوانیدیسک بر قطعه سند موجبجه  
 ایسویت قادین و میخال کفالتلریله مرقوم  
 خرملبوس ذمتده الاجنی اولان یتیمش ایکی لیرانک  
 مع فائض مرقومدن تحصیل حقنده اماسیه بدایت  
 محکمهسندن استحصالی ایلدیکی اعلام غیابی علیهنده  
 مرقوم خرملبوس طرفندن محکمه مذکوردهیه  
 بالمراجعه اعتراض علی الحکم عرضحالی اعطا  
 وائناهی محاکمه وجاهیهده دین مذکوری اقرار  
 ایدرک انجق رأس الماله محسوباً تسلیماتی وقوع  
 بولدینی ادعا ایتیمش ایسهده اشبو دفعی اثباتدن  
 اظهار عجز ایله طلبیله معترض علیهک تحلیفی  
 اجرا قلندی بیانیله مبلغ مذکورک مع فائض  
 بالغ اولدینی سکسان بر لیرا یتیمش طقوز غروشک

مرقوم خرملبوس ایله کفیللری مرقوماندن  
 تحصیلنه حکمدن و مستدعینک اشبو اعلام  
 علیهنده کی اعتراضک باشلوجهسی عندالحاکمه  
 درمیان ایلدیکی تسلیمات ادعاسی ابراز ایلدیکی  
 علم و خبرله ثابت ایکن محکمهجه بوجهته دقت  
 اولنامسی مفایر قانون اولدیغندن بختله اعلامک  
 تقضی استدعاسندن ومدعی علیه وکیلنک نتیجه  
 جوابی دخی دفع مذکورک اصولاً ثابت  
 اوله مامسنه منی موافق قانون اولان اعلامک  
 تصدیقی طلبندن عبارت بولنمشدر .

ایجابی مذاکره اولندقدده اعلام مذکور  
 مطالعهسندن اکلشلمدینی اوزره بدایه مدعی  
 بولنان مرقوم استلیانوسک مستند ادعاسی اولان  
 سند املیا قادین نامنه و جیرو قبول ایدر سندت  
 تجاریه دن معدود اولدیغنه کوره مدعی مرقومک  
 بالذات سند مذکور ایله مرقوم خرملبوس  
 علیهنده اقامه دعوا به صلاحیتی اوله میهنجی درکار  
 ایکن محکمهجه بوجهته دقت اولنمیهرق مدعی  
 مرقومک قبول خصوصیتیه برمنوال محرر حکم  
 اولنمسی مفایر قانون اولدیغنه بناء اصول محاکمه  
 حقوقیه قانوننک ایکوز قرق برنجی مادهسی  
 موجبجه اعلام مذکورک قضیله قانون مذکورک

ایکیوز قرق در دنجی ماده سی حکمنه توفیقاً کیفیتک  
یکیدن بالرؤیه اعلامه ربطی ضمننده محکمه  
مذ کوریه اعاده سنه وزیرده مفرداتی مرقم  
در تیوز اون درت بچق غروش مصارف محاکمه نك  
ایلروده حقسز چقه جق طرفه رجوع ایتک اوزره  
اول امرده مستدعیدن النمسنه ۳۱ اغستوس  
سنه ۳۰۸ تاریخنده متفقاً قرار ویریله رک وکیل  
مومی الیهه نفهیم قلندی .

چتالجه بدایت محکمه سندن ۲۸ تشرین ثانی  
سنه ۳۰۷ تاریخی و یوز اون عددی ایله صادر  
اولان اعلامک تمیزینی استدعایدن چتالجه به تابع  
چاقیل قریه سنده ساکنه قانیو قادین ایله مدعی  
علیها قریه مذ کورده مقیمه متوفی دیمترینسک  
ایتامی و صیسی زوجیه سی جوهری خاتون یوم  
معینده دائر دیه کلککری کی جواب لایحه می دخی

ویرلمدیکندن اصول محاکمه حقوقیه قانونک  
ایکیوز یکر می طقوزنجی ماده سی موجبجه تدقیقت  
تمیزیه اجراسنه ابتدار قلندی .

اعلام مذ کورک خلاصه مالی مزبوره  
جوهری قادینک تحت وصایتنده بولنان اولاد  
صغارینه پدرلری متوفی دیمتریدن ارتناً انتقال این  
چاقیل قریه سنده واقع معلوم الحدود ترلا قریه  
مذ کوره ساکنه لرندن قانیو قادین طرفندن  
وقوعبولان مداخله نك منعی حقنده اقامه ایلدیکی  
دعوايه قارشو مدعی علیها قانیو قادین مذ کور  
ترلايه پدرندن انتقالاً و باسند متصرفه اولدینی  
مدافعه ادعا ایتش ايسه ده ترلاي مذ کوری مترقی  
دیمترینک حال حیاتنده قرق و وفاتندن صکره  
ورنه سنک بلانزاع زراعت و تصرف ایتمکه  
بولندقلری اولبابده استماع قلنان شهودک شهادت  
واقعه لرله رهین رتبه نبوت اولدیغندن مزبوره  
قانیو قادینک اشبو حکم علیهنده کی اعتراضاتک  
باشلوجه سی دعواي واقعه اراضی به متعلق اولبغی  
و بالوصایه اقامه اولندیغنی حالده اراضی مأمورینک  
محاکمه ده حضوری و وصایت حجتک طلب تدقیق  
و ذی الیدک بالینه اثباتی لزومی تأمل ایلامی

کنتخداسی صراف سوکیاس ذمتمنده درسعادت  
بدایت محکمه سی ایکنجی حقوق دائر سندن صادر  
اولان اعلام موجبجه الاجنی اولان معلوم المقدار  
مبالغک تأمین استیفاسی ضمننده مدیون متوفانک  
عهده تصرفنده بولنان اسکدارده چاملیجه عتیق  
قرینده التوتی زاده محله سنده قر تالی زقاغنده  
واقع تخمیناً قرق دونمی حاوی نصف مقداری  
محلی اشجار مثمره می مشتمل التی نومرولی بر باب  
ترلانک تمامی تاریخ اعلاندن اعتباراً اون بش  
کون صکره بالمزایده فروخته تشبث اولنه جینی  
درسعادت اعلامات نظامیه اجرا دائره سندن  
اعلان اولتور .

فی ۲۴ کانون اول سنه ۳۰۸

مابعدی وار

## اعلان

مالیه خزینه جلیله سنک متوفی بولیچه جیلر

حکمتك اجرا اولنه جنی معلوم اولمق اوزره اعلان  
کیفیته ابتدار قلندی .

فی ۲۸ جمادی الاخر سنه ۳۱۰

وفی ۵ کانون ثانی سنه ۳۰۸

— ۴ —

تجاراندن حنفی افندی و سائره نك متوفی  
احمد پاشا حلیله سی کلزار نام دیگر فاطمه عادلہ  
خانم ذمتده با اعلام مطلوبلری اولان مبلغك  
تأمین استیفاسی ضمتده بعد الحجز موقع مزایدیه  
قونیلان در سعادت بدستاننده کائن قرق درت  
وقرق بش نومرولی ایکی باب طولاب عندالمزایدہ  
ایرا یوز غروش حسابیلہ درتیک اوچوز اللی  
غروشدہ طالبی عهدہ سننده تقرر ایدرک تاریخ  
اعلاندن اعتباراً برماه ختامنده قرار قطعیمی  
ویریلہ جکی جهتله یوز بش ضمیله زیادیه طالب  
اولنلرک مدت مذکورہ ظرفنده اسکدار بدایت  
محکمہ سی اجرا دائره سنه مراجعت ایلملری  
اعلان اولنور .

فی ۲۸ کانون اول سنه ۳۰۸

( مطبعة عامره ده طبع اولنمشدر )

بشکطاشده تراموای موقعی قارشوسنده  
مغازده ساکن عباچی اصنافدن استفان لهنه  
وتبعه دولت علیه دن ارتین مانوقیان و نام دیگری  
بوقیان علیه ۷ اغستوس سنه ۳۰۸ تاریخیه  
حکملر طرفدن تنظیم و ۱۶ کانون اول سنه ۳۰۸  
تاریخنده در سعادت محکمه تجارتنی ایکنجی مجلسندن  
بالتسجیل تصدیق ایدلمش اولان و اوتوز یدی  
بیک یتمش غروشک گذشته و مصارف محاکمه ایله  
برابر تحصیل و قسماً دخی دائره اجرا ده محفوظ  
اللی بیک کسور غروش اوزرینه موضوع جزک  
فکی حکمنی ناطق بولسان ۳۵ نومرولی ورقه  
حکمیہ غیابیه نك برقطعه صورت مصدقہ سی مرقوم  
ارتینک اقامتکاهی مجهول بولندینی جهتله اعلاناً  
تبلیغی استفان طرفندن بااستدعا طلب اولنمش  
اولمغله اولوجهله صورت مذکورہ نك اصول  
محاکمه تجارت نظامنامه سنک یکرمنجی ماده سنک  
در دنجی فقره سی احکامنه قیاساً تبلیغ اولنمش عد  
اولنمق اوزره دیوانخانیه تعلیق اولندینی کبی  
اوراق حوادث واسطه سیله ده اعلانی لازم کلش  
اولمغله تاریخ اعلاندن اعتباراً قرق بر کون  
ظرفنده مرقوم ارتینک محکمہ یه مراجعتله اثبات  
وجود ایتمی لازم کله جکی و ایتمدیکی تقدیرده  
صورت مذکورہ نك تبلیغ اولنمش عدیلہ